

2019 Urria

«Zaindu gordailu eder hau, guregan bizi den Espiritu Santuaren indarraz» (2 Tm 1, 14)

Paulo apostoluak Timoteori idazten dio, ebanjelizatze-lanean lagun izan duenari eta Efesoko kristau elkartearen ardura eman dionari.

Timoteok, Apostoluek eman bezala jaso du kristau fedearen gordailua, eta bere aldetik hori bera ondorengo belaunaldiei fideltasunez helarazteko erantzunkizuna du. Paulorentzat horrek esan nahi du, bizia emateko ere prest egotea, Ebanjelioa den berri pozgarria zabaltzearen.

Paulok eta Timoteok Espiritu Santua hartu dute, artzain eta ebanjelizatzaile izateko eginkizun ezinordezkaturako argi eta berme gisan. Berorien eta beren ondorengoen testigantzaren bitartez etorri da gugana Ebanjelioaren iragarpena.

Era berean kristau bakoitzak bere «misioa» du komunitate sozial eta erlijiosoaren barruan: familia elkartu bat eraikitzea, gazteak hezteak, politikan eta lantegian konprometitzea, pertsona zaurkorrak zaintzea, kultura eta artea argitzea Ebanjelioa bizitzeak berekin duen jakinduriaz, bizitza Jainkoari ematea anai-arrebei zerbitzu egiteko.

Oraindik gehiago, «[...] gizon eta emakume bakoitza misio bat da [...]»^[1]. Eliza Katolikoak 2019ko urria «hil bereziki misiolaria» izendatu du. Berori aprobeitza dezakegu geure fedearen testigantza ematearen aldeko konpromisoa kontzienteki berritzeko, bihotza ireki eta zabaltzen digularik maitasun ebanjelikoak, harrera, topaketa eta elkarrizketa sorrarazten dituenak^[2].

«Zaindu gordailu eder hau, guregan bizi den Espiritu Santuaren indarraz».

Kristau bakoitza Espiritu Santuaren «tenplu» da, eta espiritu horrek gaitasuna ematen dio «gordailu ederra», hazteko eta guztien zerbitzura jartzeko eman zaiona, aurkitu eta gordetzeko. Eta Espirituaren «altxorretatik» lehenbizikoa Jesus Jaunagan sinestea da.

Apaiz batek kontatzen du: «Brasilgo metropoli batean, nire gomendio utzi dituzte parrokia katoliko handi bateko fededunak. Zenbaitetan, nirekin gurutzatzen diren pertsonak ez dute identitate erlijioso definiturik, parte hartzen dute bai mezatan bai antzinako zeremonia tradizional zaharretan. Kristau-fedea haiengana Ebanjelioarekiko leialtasunez helarazteko ardura dut, baina nire gogoak da, halaber, parrokian denak onartuak sentitzea. Pertsona horien kultur erroak haintzat hartzeko, jai giro gehiagoko meza ospatzea bururatu zitzaidan, bertako kulturetako musika-tresna tipikoez baliatuz. Erronka gogor bat da, baina denentzat pozgarria, zeren eta komunitatean banandu ordezkartu egiten baikaitu partekatzen dugun horretan: poza ematen digun Jainkoarengan dugun fedean».

«Zaindu gordailu eder hau, guregan bizi den Espiritu Santuaren indarraz».

Jesus beragandik jaso dugun beste altxor ezin baliotsuago bat bere hitza da, Jainkoaren hitza dena.

«[...] Jainkoak bere hitza eman zigun, bertatik fruitu onak atera genitzan. [...] Nola biziko dugu hil honetako Bizi-hitza? Jainkoaren hitza maitatuz, gero eta hobeto ezagutzen saiatuz eta, batez ere, gero eta eskuzabaltasun handiagoz praktikan jarritz, era horretan gure espiritu-bizitzaren oinarritzko elikagai bihurtu dadin, eta kontzientzia gidatzen digun barneko maisu, eta gure erabaki eta ekintza guztien erreferentzia-puntu hautsi ezin. [...] Desorientazio eta nahasmen asko dago kontzientzietan, joera dago dago dena erlatibizatze eta itsumustuka ibiltzeko. Jainkoaren hitza biziz, arrisku larri horretatik babestuak egoteaz gain, Jesusen adierazpen esanguratsu baten arabera (ik. Mt 5, 15-16), kriseilu piztuak izango gara, berorien argiarekin besteei orientazioa eta berriro bide zuzena aurkitzen lagunduko dieten kriseiluak»^[3].

LETIZIA MAGRI

^[1] Cf. **Francisco**, Mensaje para la *Jornada Misionera Mundial* de 2018.

^[2] Informazio gehiagorako, ik. www.october2019.va

^[3] **C. Lubich**: *Palabra de vida octubre 1991*. Ciudad Nueva n. 270 (10/1991), p. 33.